

Grad Novi Pazar

Skupština grada

Odbornička grupa SDA Sandžaka

Novi Pazar

16. decembar 2020. godine

OPŠTINA I PANOVA VITPARA ZA NEBOVKE M. HOBUPA M. HOBUPA - M. HOBUPA PIAAP			
16. 12. 2020			
I	06-247/20		

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O INICIJATIVI ZA PROGLAŠENJE 28. SEPTEMBRA - DAN BOŠNJAKA ZA BOŠNJAČKI NACIONALNI PRAZNIK**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na sjednici Skupštine grada koja je zakazana za 21. decembar 2020. godine.

6245

Predsjednik odborničke grupe

Ahmedin Škrijelj



PRIJEDLOG

Na osnovu člana 20. stav 1. tačka 10. člana 79. stav 1. tačka 1. i 2. Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 4. stav 1. Zakona o zaštiti prava i sloboda nacionalnih manjina („Službeni list SRJ“, br. 11/2020, „Službeni list SCG“, br. 1/2003 – Ustavna povelja i „Službeni glasnik RS“, br. 72/2009 – dr. zakon, 97/2013 – odluka US i 47/2018), člana 15. stav 1. tačka 25. Statuta grada Novog Pazara („Službeni list grada Novog Pazara“, broj 6/19) i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 21. decembra 2020. godine, donosi

ODLUKU

O INICIJATIVI ZA PROGLAŠENJE 28. SEPTEMBRA - DAN BOŠNJAKA ZA BOŠNJAČKI NACIONALNI PRAZNIK

Član 1.

Skupština grada Novog Pazara traži od Vijeća (Saveta) za nacionalne manjine Republike Srbije da potvrdi Odluku Bošnjačkog nacionalnog vijeća, broj 559-09/2019 od 24. juna 2019. godine, o proglašenju 28. septembra – Dan Bošnjaka za bošnjački nacionalni praznik.

Član 2.

Ovu odluku dostaviti Vijeću (Savetu) za nacionalne manjine Republike Srbije.

Član 3.

Odluku objaviti u „Službenom listu grada Novog Pazara“.

SKUPŠTINA GRADA NOVOG PAZARA

Broj:

U Novom Pazaru, 21. decembra 2020. godine

P R E D S J E D N I K

Dr. Anela Šemsović

OBRAZLOŽENJE:

Pravni osnov za donošenje odluke:

Pravni osnov za donošenje ove odluke sadržan je u sledećim odredbama Zakona o lokalnoj samoupravi, Statuta grada Novog Pazara i Poslovnika Skupštine grada Novog Pazara, i to:

- članu 20. stav 1. tačka 10. Zakona o lokalnoj samoupravi;
- članu 79. stav 1. tačka 1. i 2. Zakona o lokalnoj samoupravi;
- članu 4. stav 1. Zakona o zaštiti prava i sloboda nacionalnih manjina;
- članu 15. stav 1. tačka 25. Statuta grada Novog Pazara;
- članu 137. Poslovnika Skupštine grada Novog Pazara

Razlozi za donošenje odluke:

Vršeći svoja zakonom propisana prava Bošnjačko nacionalno vijeće je Odlukom, broj broj 559-09/2019 od 24. juna 2019. godine, proglasilo 28. septembar – Dan Bošnjaka za bošnjački nacionalni praznik.

Predmetnu odluku Vijeće je dostavilo Vijeću (Savetu) za nacionalne manjine na potvrđivanje.

Potvrđivanje navedene odluke, od strane Vijeća (Saveta) za nacionalne manjine, predstavlja zakonom propisan uslov za njeno stupanje na snagu odnosno uslov da 28. septembar – Dan Bošnjaka ima status bošnjačkog nacionalnog praznika.

Bošnjaci Sandžaka i Republike Srbije predstavljaju dio jedinstvenog nacionalnog korpusa sa Bošnjacima Bosne i Hercegovine i Bošnjacima u drugim državama nastalim raspadom bivše SFRJ.

Na zasjedanju Prvog svebošnjačkog sabora, održanom u Sarajevu, 28. septembra 1993. godine, usvojena je Deklaracija o vraćanju povijesnog nacionalnog imena Bošnjak umjesto dotadašnjeg etničkog naziva Musliman.

Imajući u vidu da se 28. septembar – Dan Bošnjaka, kao nacionalni praznik zvanično obilježava u svim država u kojima Bošnjaci žive, nastalim raspada bivše SFRJ, izuzev u Republici Srbiji, te zakonom propisanu obavezu Grada Novog Pazara da se stara o ostvarivanju manjinskih prava kao i obavezu svih organa vlasti u Republici Srbiji da, u skladu sa Ustavom i zakonom, donose propise, pojedinačne pravne akte i preduzimaju

mjere u cilju obezbeđenja pune i efektivne ravnopravnosti između pripadnika manjinskih naroda i građana koji pripadaju većini, donošenje ove odluke od strane Skupštine grada predstavlja ispunjenje obaveze od opšteg i zajedničkog interesa za građane Novog Pazara.

Objašnjenje pojedinih rješenja propisanih ovom odlukom:

Član 1: Utvrđen je predmet Odluke.

Član 2: Propisana je obaveza dostavljanja odluke Vijeće (Savetu) za nacionalne manjine Republike Srbije.

Član 3: Propisana je obaveza objavljivanja u „Službeni list grada Novog Pazara“.

Finansijska sredstva za sprovođenje ove odluke nisu potrebna.